

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za boračka pitanja, Vlada Zeničko-dobojskog kantona, na 136. sjednici, održanoj dana 19.03.2018. godine, d o n o s i

ZAKLJUČAK

I.

Prihvata se Informacija o naknadi troškova dženaza/sahrana branilaca i članova njihovih porodica u 2017. godini, Ministarstva za boračka pitanja.

II.

Informacija o naknadi troškova dženaza/sahrana branilaca i članova njihovih porodica u 2017. godini, sastavni je dio ovog zaključka.

III.

Zaključak stupa na snagu danom donošenja.

Broj: 02-_____/18.
Datum, 19.03.2018. godine
Zenica

PREMIJER

Miralem Galijašević

DOSTAVLJENO:

1x Ministarstvo za boračka pitanja,
1x Ministarstvo finansija,
1x a/a.

**Bosna i Hercegovina
Federacija Bosne i Hercegovine
Zeničko-dobojski kanton**

MINISTARSTVO ZA BORAČKA PITANJA

I N F O R M A C I J A

o naknadi troškova dženaza/sahrana branilaca i članova njihovih porodica u 2017.godini

Zenica, januar 2018.godine

I UVODNI DIO

Obaveza Kantona i zajednice je da pomognu i učestvuju u snošenju troškova dženaze/sahrane pripadniku branilačke populacije koji je imao mjesto prebivališta i koji je sahranjen na području Zeničko-dobojskog kantona. Isto je uređeno federalnim i kantonalnim propisima, a s tim u vezi Vlada Kantona je donošenjem podzakonskog akta utvrdila uvjete, način i postupak ostvarivanja prava na isto.

II NORMATIVNA REGULATIVA

Pravo na naknadu troškova dženaze/sahrane pripadnika branilačke populacije kao dopunsko pravo regulisano je federalnim i kantonalnim propisima i to:

- Zakonom o pravima branilaca i članova njihovih porodica ("Službene novine Federacije BiH" broj 33/04, 56/05; 72/07 i 9/10);
- Zakonom o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH" br. 70/05, 70/06 i 9/10);
- Zakonom o dopunskim pravima branilaca i članova njihovih porodica ("Službene novine Zeničko-dobojskog kantona" broj 1/14);
- Uredbom o naknadi troškova dženaze/sahrane branilaca i članova njihovih porodica ("Službene novine Zeničko-dobojskog kantona" broj 4/14). – dalje u tekstu Uredba.

III UREDBA O NAKNADI TROŠKOVA DŽENAZE/SAHRANE BRANILACA I ČLANOVA NJIHOVIH PORODICA

Ovom Uredbom utvrđeni su uvjeti, način i postupak ostvarivanja prava na naknadu troškova dženaze/sahrane branilaca i članova njihovih porodica koji ima prebivalište na području Zeničko-dobojskog kantona, kao i povratnika u Republiku Srpsku koji ostvaruje osnovna prava iz branilačko-invalidske zaštite u gradu/općinama Kantona i koji je na evidenciji nadležnog vojnog organa u gradu/općinama Kantona.

Korisnici prava i visina naknade

Naknada troškova odobrava se u vidu jednokratne pomoći, članu porodice sa kojima je umrli živio u zajedničkom domaćinstvu u vrijeme smrti ili drugom licu koje vlastitim sredstvima snese troškove dženaze/sahrane pripadnika branilačke populacije, a za pripadnika branilačke populacije koji je prije smrti imao prebivalište na području Kantona od najmanje dvije godine neprekidno.

Naknada troškova po ovoj Uredbi odobrava se u vidu jednokratne pomoći u visini:

- prosječne neto plate u FBiH prethodne godine (839,00 KM) za: umrle ratne vojne invalide, demobilisane branioc, dobrovoljce u organiziranju otpora, veterane i nosioce "Partizanske spomenice 1941."
- u visini jedne polovine prosječne neto plate u FBiH prethodne godine (419,50 KM) za: umrle članove porodice šehida, poginulog, umrlog, nestalog branioca.
- u slučaju da je ukop dobitnika ratnog priznanja „Zlatni ljiljan" i "Red hrvatskog trolista" i nosioca "Partizanske spomenice 1941", izvršen u organizaciji i sa sredstvima kantonalnog udruženja može se odobriti naknada utrošenih sredstava najviše do iznosa od 2.500,00KM.

U izuzetnim slučajevima naknada troškova, a u skladu sa članom 6. stav (2) Uredbe pomoć se može odobriti i u većem iznosu, a ukoliko se član porodice koji sahranjuje umrlog nalazi u teškoj socijalno-ekonomskoj situaciji. Veći iznos moguće je odobriti za naknadu troškova dženaze/sahrane: umrlog člana porodice šehida, poginulog, umrlog, nestalog branioca; te umrlog člana uže porodice poginulog, umrlog i nestalog dobitnika ratnog priznanja ili odlikovanja.

Podnošenje zahtjeva

Zahtjev za naknadu podnosi se gradskoj/općinskoj službi za branilačko-invalidsku zaštitu u kojoj je umrli imao prebivalište u posljednje dvije godine. Uz zahtjev obavezno se prilaže smrtni list, dokaz o statusu branioca/člana porodice poginulog branioca za umrlo lice, dokaz o troškovima dženaze/sahrane, uvjerenje o prebivalištu umrlog lica na području Kantona i izjavu da se pomoć u ovu svrhu ne može ostvariti po osnovu drugog propisa ili na drugi način.

Postupak po zahtjevu

U postupku po zahtjevu gradska/općinska služba je dužna isti razmotriti, izvršiti potrebne provjere i donjeti rješenje o priznavanju prava ili odbijanju zahtjeva. Rješenje o priznavanju prava i odobravanju sredstava gradska/općinska služba dostavlja Ministarstvu u roku od osam dana od dana prijema rješenja.

Odluku o isplati pravosnažnih gradskih/općinskih Rješenja, a po zaprimanju i obradi istih donosi ministar Ministarstva.

IV PREGLED ZAHTJEVA I FINANSIJSKA SREDSTVA


Budžetom Zeničko-dobojskog kantona („Službene novine ZDK“ 15/16 i 8/17) na transferu Pomoć u slučaju smrti branilaca i članova njihovih porodica predviđena su sredstva u iznosu od 500.000,00KM. Navedeni iznos sredstava Izmjenama i dopunama Budžeta Zeničko-dobojskog kantona („Službene novine ZDK“ 13/17 od 30.11.2017.) povećan je na konačni iznos od 580.000,00KM.

Tokom 2017.godine, Ministarstvo je zaprimilo i odobrilo sredstva za naknadu troškova dženaze/sahrane za 764 lica u ukupnom iznosu od 571.630,50 KM. Od navedenih sredstava iznos od 4.927,00KM odobren je Kantonalnim udruženjima, za naknadu troškova dženaze/sahrane 3 dobitnika najvećih ratnih priznanja. U skladu sa članom 6. stav (2) Uredbe za dva podnositelja zahtjeva odobren je veći iznos, a radi teške socijalno-ekonomske situacije u porodici. Pregled odobrenih naknada dat je u Tabeli 1.

Tabela 1. Pregled odobrenih naknada po kategorijama i općinama prebivališta

Općina	populacija				Ukupno zahtjeva	Ukupno sredstava (KM)
	DB	PPB	RVI	DNRP		
Breza	25	6	3	0	34	24.746,00
Doboj Jug	23	10	2	0	35	25.170,00
Kakanj	12	16	0	0	28	16.771,00
Maglaj	64	12	0	0	76	56.592,00
Olovo	37	3	1	0	41	32.229,50
Tešanj	68	12	5	0	85	66.272,00
Usora	13	1	2	0	16	12.558,00
Vareš	38	9	2	0	49	37.317,50
Visoko	82	12	5	0	99	77.589,50
Zavidovići	71	23	7	0	101	74.563,00
Zenica	63	35	5	1	104	72.975,00
Žepče	68	20	6	2	96	74.847,00
Ukupno:	564	159	38	3	764	571.630,50

Dijagram 1. Struktura odobrenih zahtjeva prema kategorijama korisnika



V ZAKLJUČNA RAZMATRANJA

Ukupno je u promatranom periodu utrošeno 571.630,50KM odnosno 98,56% raspoloživih sredstava.

Evidentna su povećanja broja smrtnosti boračke populacije. Tako je u odnosu na 2016. godinu kada je ova vrsta pomoć odobrena za 722 lica, odnosno utrošeno je 526.638,50 KM povećano izdvajanje sredstva za ovu namjenu za 5,82%, a isto se očekuje i u tekućoj godini. Navedeno se temelji na drastično povećanom broju oboljelih od teških i neizlječivih bolesti, što ovo Ministarstvo može pratiti kroz povećan broj zahtjeva za odobravanje sredstava pomoći pri liječenju te praćenjem starosti populacije koju zastupa.

MINISTAR

Fahrudin Čolaković

Broj:13/03-3-2-14-621/18
Datum: 18.01.2018.